

**Ipudnom Sursurat - Confession Scriptures**

**Ezra 9:7 Manipud pay iti tiempo dagiti kauponanmi, adu unayen ti basolmi a tattaom. Gapu iti daytoy, natnagkam iti pannakabalin dagiti ganggannaet nga ari — dakami, dagiti arimi ken dagiti papadimi. Napapatay, natakawan ken naitalawkami a kas balud, ket naibabainkam iti kasta unay agingga ita.**

**Ezra 9:13 Kalpasan amin dagitoy a napasamak kadakami a dusami gapu kadagiti basol ken labsingmi, ammomi a sika a Diosmi, dinusanakam iti nalaglag-an ngem ti rumbeng koma a dusami, ket impalubosmo nga agbiagkami.**

**Nehemias 9:2 Simminada idin kadagiti ganggannaet. Nagtakderda ket rinugianda ti nagipudno kadagiti basbasolda kasta met iti basol dagiti kauponanda.**

**Salmo 24:3,4 Siasino ti maikari a sumang-at iti bantay ti Apo? Siasino ti mapalubosan a sumrek iti nasantoan a Templona? 4 Ti nadalus ti aramidna ken ti panunotna, ti natarnaw ti pusona, ti napasnek nga agserbi iti kinapudno, ken ti saan nga agulbod.**

**Salmo 73:13 Awan kadi ti serserbina a nagtalinaedak a nadalus ken nalinteg?**  
**Isaias 59:2 Ngem nayadayokayo iti Dios gapu kadagiti basbasolyo, isut' gapuna a dinakay ipangag tunggal agdaydayawkayo kenkuana.**

**Isaias 64:6 Managbasolkami amin; uray dagiti kasayaatan nga aramidmi mayarigda iti nakarugrugit a nisnis. Gapu kadagiti basolmi, mayarigkami iti nagango a bulong a mayang-angin.**

**Jeremias 5:25 Ngem gapu iti kinadakesyo, nalapdankayo nga agsagrap kadagitoy agkakaimbag a banag.**

**Oseas 13:8 Darupenkayto a kas iti ina nga oso a naitalaw dagiti urbonna, ket burayrayankayto. Kaslaakto la leon a mangalun-on kadakayo iti ayanyo. Wen, kaslaakto la atap nga ayup a mangrangrangkay kadakayo.**

**Daniel 9:8,9 Nakababain ti inaramid dagiti arimi, dagiti turayenmi ken dagiti kauponanmi, ket nagbasolda kenka, O Apo. 9 Manangngaasi ken sisasaganaka a mamakawan, uray no sinukirdaka.**

**Marcos 9:24 "Adda pammatic ngem saan a naan-anay," dagus nga inyikkis ti ama. "Punnoam ti pagkurangan ti pammatic."**

**Lucas 11:2 Kinuna ni Jesus kadakuada, "No agkararagkayo, kastoy ti kunayo: 'Amami, Madaydayaw koma ti nasantoan a naganmo; Umay koma ti Pagariam. (Mateo 6:10)**

**Juan 14:6 "Siak ti dalan, ken ti pudno, ken ti biag; awan ti makapan iti Ama no di magna kaniak," insungbat ni Jesus.**

**Juan 17:15 Diak dawaten nga ipanawmo ida ditoy lubong, no di ket salaknibam ida iti Managdakdakes.**

**Santiago 4:8 Umasidegkay iti Dios, ket umasidegto met ti Dios kadakayo.**

**Dakayo a managbasol, buggoanyo dagiti imayo! Dakayo nga aginsisingpet, dalusanyo dagiti pusoyo!**

**Taga-Roma 6:12-14 Masapul a saanen nga agturay ti basol kadagiti narukop a bagiyo tapno diyo pabus-oyan dagiti dakes a tarigagayyo. 13 Kasta met a diyo itulok nga agbasol ti uray ania a paset ti bagiyo a maaramat kadagiti dakes a panggep. Mayarikayo kadagiti tattao a natay ngem napagungar. Ipaayyo ketdi ti bagiyo iti Dios ket itulokyo kenkuana ti entero a bagiyo a maaramat kadagiti nalinteg a panggep. 14 Saan a rumbeng nga agturay ti basol kadakayo ta saankayon nga agbibiag iti sakup ti linteg, no di ket iti sakup ti parabur ti Dios.**

**Hebreo 9:28 Kasta met a namimpinsan a naidaton ni Cristo a mangikkat iti basol ti adu. Agparangto iti maikadua a dasar, ngem saanen a gapu iti basol, no di ket tapno isalakanna dagiti mangnamnama iti yaayna.**

**1 Juan 1:9 Ngem no ipudnotayo dagiti basbasoltayo, tungpalenna ti karina ket aramidenna ti maitutop. Pakawanenna dagiti basoltayo ket ugasannatayo iti amin a kinadakestayo.**

### **Pakawan Sursurat - Forgiveness Scriptures**

**Mateo 6:12-15 Pakawanennakami kadagiti basbasolmi, A kas iti pammakawanmi kadagiti nakabasol kadakami; 13 inakam iturong iti nakaro a pakasuotan; lisinakami ketdi iti Managdakdakes.' [Ta kukuam ti pagarian ken ti pannakabalin, ken ti gloria agingga't inggana. Amen.] 14 "No pakawaneyo dagiti nakabasol kadakayo, pakawanennakayto met ni Amayo sad i langit. 15 Ngem no diyo pakawanen dagiti nakabasol kadakayo, dinto met pakawanen ni Amayo dagiti basbasolyo."**

**Mateo 18:21,22 Napan ni Pedro ken ni Jesus ket sinaludsodna, "Apo, maminano a pakawanek ti kabsatko nga agbasbasol kaniak? Mamimpito?" 22 Kinuna ni Jesus, "Saan laeng a mamimpito no di ket mamimpitopulo a pito.**

**Mateo 18:35 Kalpasanna, kinuna ni Jesus, "Kastanto ti aramiden ni Amak sad i langit iti tunggal maysa kadakayo no iti pusoyo, diyo pakawanen ti kabsatyo."**

**Marcos 11:25/26 Tunggal tumakderkayo nga agkararag, pakawaneyo ti siasinoman a nakabasol kadakayo tapno pakawanento met ni Amayo sad i langit dagiti basbasolyo." [25 Inayon dagiti dadduma a manuskrito ti bersikulo 26 Ngem no dikay mamakawan, dinto met pakawanen ni Amayo sad i langit dagiti basbasolyo.]**

**Lucas 6:37 “Diyo ukomen ti padayo a tao tapno dinakayto met ukomen ti Dios. Diyo ilunod ti padayo a tao tapno dinakayto met ilunod ti Dios. Mamakawankayo ket pakawanennakayto met ti Dios.**

**Lucas 11:4 Pakawanennakami kadagiti basbasolmi, Ta pakawanenmi met dagiti amin a nakabasol kadakami. Dinakam iturong iti nakaro a pakasuotan.”**

**Lucas 17:3,4 Agannadkayo ngarud iti aramidyo! “Babalawem ti kabsatmo no makabasol. Pakawanem no agbabawi. 4 No mamimpito nga agbasol kenka iti maysa nga aldaw, ket tunggal makabasol agpakanenkenka, rebbengmo a pakawanen.”**

**Lucas 23:34 “Ama,” kinuna ni Jesus, “pakawanem ida ta dida ammo ti araramidenda.” Nagbibingayan dagiti soldado dagiti pagan-anay ni Jesus babaen iti panagbibinnunotda.**

**Dagiti Aramid 8:22 Agbabawika iti dayta dakes a panunotmo ket agdawatka iti Apo a pakawanennaka.**

**Taga-Roma 4:7 “Nagasat dagiti pinakawan ti Dios ti kinadakesda, dagiti inabbongan ti Dios ti basolda!**

**Taga-Efeso 1:7 Babaen iti ipapatay ni Cristo, nagun-od ti wayawaya ket napakawan dagiti basbasoltayo. Anian a nagdakkel ti parabur ti Dios nga impaayna a sibubuslon kadatayo!**

**Taga-Efeso 4:32 Agkikinnaasi ken agiinnayatkayo ketdi.**

**Agpipinnakawankayo, kas iti panangpakan ti Dios kadakayo babaen ken ni Cristo.**

**Taga-Colosas 1:14 Babaen kenkuana nawayawayantayo, kayatna a sawen, pinakawan ti Dios dagiti basoltayo.**

**Taga-Colosas 2:13-15 Adda idi panawen a naibilangkayo a natay iti espiritu gapu ta managbasolkayo ken gapu ta saankayo a Judio, kayatna a sawen, awan ti linteg ni Moises kadakayo. Ngem ita, pinagungarnakayo ti Dios kas iti pinangpagungarna ken ni Cristo. Pinakawan ti Dios ti amin a basoltayo. 14 Pinunasna ti listaan dagiti basbasoltayo agraman dagiti kakuykuyogna a paglintegan, ket dinadaelna ti kaipapanan daytoy babaen ti panangilansana iti krus. 15 Iti dayta a krus, pinarmek ni Cristo dagiti naespiritan nga agtuturay ken pannakabalin.**

**1 Juan 1:9 Ngem no ipudnotayo dagiti basbasoltayo, tungpalenna ti karina ket aramidenna ti maitutop. Pakawanenna dagiti basoltayo ket ugasannatayo iti amin a kinadakestayo.**

**1 Juan 2:12 Annakko, agsuratak kadakayo, agsipud ta napakawanen dagiti basbasolyo gapu ken ni Cristo.**